

Mov maana aalka rætnoe soptsestidh?

Aellieh vuertieh vuejnieh!



Bïevnesetjaalege eejhtegidie jïh åeliealmetjidie.

Evtiedimmie gieleste lea naakede
dehtie vihkielommesistie mij
maanan jieliedisnie sjugniehtåvva.
Giele mijjese identiteetem vadta,
ektievoetem jeatjah almetjidie jih
ektiedimmien seabradahkesne
mesnie jieliminie.

Mijjieg gellielaakan gaskesadtebe.
Doh ellen jeanatjommesh mah
guvlieh soptsesgiem jih
kråahpegielem nuhtjeh. Soptsesgielle
lea doh baakoe mah njaelmien
sistie bætih jih kråahpegiele
maahta svihtjemh årrodh, givseme
åaredæjjine jih tjutjedimmie.



Siejhme evtiedimmie gieleste


Maanan gielevtiedimmie reakadimmesne aalka, ektiespielesne lihke hoksealmetjigumie. Gosse edtjebe maanaj gielevtiedimmien buerkestidh dellie vihkele gielegoerkesen jih gieleproduksjovnen gaskem joekehtidh. Gielegoerkese lea dihle giele maam maana guarkoe gosse disse soptsestibie, jih gieleproduksjovne lea doh baakoe maana jjitje nuhtjie. Daah göökte bielieh sinsitniem baajnehtieh.

Maanasov gielegoerkesem evtede åvtelen sov voestes baakoeh jeahta, jih siejhmemes maanah gellie jienebh baakoeh maehtieh goh maehtieh jiehtedh. Vuesiehtimmien gaavhtan akte akten jaepien bæries maana maahta naan gille baakoeh jiehtedh, vuesiehtimmien gaavhtan; tjdjtje, vov-vov, men gellie jienebh baakoe guarkoe. Gosse gaskem akten jih gööktten jaepien bæries maanah daamtaj sijjen voestes 50 baakoeh lierieh. Stoerre joekehtsh maanide mah gööktten jaepien bæries, naakenh leah gähkese båateme sijjen gielevtiedimmesne jih maehtieh gellie tjuetie baakoeh nuhtjedh, jeatjebh 10-20 baakoeh nuhtjeh, men leah guhkiebasse båateme sov motorikhine. Gosse maanah leah medtie 40-60 baakoeh liereme dah aelkieh dejtie baakojde tjåanghkan biejedh smaave raajesidie goh «Tjengkere båarhte». Seamma tijjen maana varke orre baakoeh leara. Gosse gööktten - golmen jaepien bæries maana baakoevårhkoem vijrede jih aalka ovmessie baakoeklaassh nuhtjedh jih maahta baakojde tjoölkehkåbpoe jiehtedh. Gosse maana ovrehte golmen jaepien bæries, raajesh leah guhkebe, dah baakoeh sojjehtieh jih maehtieh gyhtjelassh gihtjedh jih åssjalommesi, åssjaldahki jih domtesi bijre soptsestidh.

Dovne baakoevåarhkoe, grammathke, raajesetseegkeme jih guktie baakoe jahtasåvva ahkedh buerebe sjidtieg åvtelen njeljien jaepien båeries sjædta, jih maanan lea akte maam mijjieg gåhtjobe, hijven aarkebjiejjiegiele.

Dov maaneste tjooperdh?

Såemies fåantoej gaavhtan mejgumie reakadamme maanah leah söjmes åvtelen aelkieh soptsestidh, jeatjebh plarhkestieh, jih såemies maanah eah funksjonelle soptsesgiellem evtedh. Daate lea faamosne maanide jienebi joekehts diagnovsigumie. Aaj maanah mah eah åehpies diagnovsem utnieh maehtieh tsagkesh soptsesgieline utnedh. Maanah, noerh jih geerve almetjh maehtieh skiemtjelassen jallh ovlahkoen gaavhtan soptsesmahtoem dassedh.



Jalhts maana ij maehtieh soptsestidh, ij sijhth jiehtedh dihte ij giellem guarkoeh. Men maanah orre goerkesem vejtiestieh gosse baakoe nuhtjeh. Maanah mah tsagkesh soptsesgieline utnieh dan åvteste lissie viehkiem jih dåarjoem aareh daarpesjeh.

Jis daajrah maana maahta haestemh åadtjodh soptsesgieline, sæjhta vihkele årodh dan varke gåarede, dísse jienebh nuepieh vedtedh guktie buktehte gaskesadtedh. Jienebh maehtieh nåhtoem utnedh destie mij gohtjesåvva væhta soptsestæmman dehtie raejeste dah reakasuvvieh. Nuhtjh væhtah goh; byöpmedidh, lyjhkedh, sieties, njamma. Daate gohtjesåvva «Baby-væhtah».

Maanah mah eah naan åehpies diagnovsem utnieh maehtieh aaj haestemh soptsesgieline utnedh. Soptsesth maanagiertine jallh healsoestasjovnine jis dov maanan gielleevtiedimmeste tjooperdh. Jis maana lea 20-24 askh jih ij leah annje aalkeme naan baakoe jiehtedh, jallh vaenie baakoe åtna, dellie tijje båatemie viehkiem bijre birredh.

Naakenh maehtieh hijven viehkiem åadtjodh soptsesgieline viehkine logopedeste, naakenh maehtieh nåhtoem utnedh dovne logopedeste jih dåarjoste jeatjahlakan gaskesadtedh.

(ASK) Alternatijve jih suppleereden kommunikasjovne (ASK)

Maanah sijhtieh jijnen bijre soptsestidh, aaj aath mejtie mijjieh geerve almetjh ibie ussjedamme. Maahta árrodh mij akt maam tuhtjeh luste, isveligke jallh rovnege. Aath mejtie vuejnieh, naakede mij jááktan heannadi, jallh dååjresh maam maanagiertesne átneme. Juktie maehtedh dam soptsestidh, maanah mah eah maehtieh soptsesgiellem nuhtjedh tjueriah jeatjah nuepieh åadtjodh. Jeatjahaakan gaskesadtedh goh soptsesgieline, gohtjesåvva Alternatijve jih suppleereden kommunikasjovne, man åeniedimmie lea ASK.

ASK lea gaajhke mij aktem almetjem viehkehte radtjoeslaakan gaskesadtedh, gosse ij leah nukie aerpievuekien gaskesadtemevuekieh nuhtjedh.


Gaskenasjonaale dotkemen mietie aervede medtie 1 % árroejjistie ASK:m daarpesje. Daate sæjhta jiehtedh gaskem 500 jih 600 maanah fierhten reakasuvvieh jaepien Nöörjesne mah sijhtieh ASK:m daarpesjidh.

Gaskesadtemevuekie

Gellie maanah maehtieh lïeredh jeatjah gaskesadtemevuekieh nuhtjedh. Gaskesadtemevuekieh mah maehtieh dåarjodh jallh soptsestimmien sijjeste båetedh leah vuesiehtimmien gaavtan viehkine gietylvahtijste, fotografijeste, grafihken symbolh jallh daeverh.

Vuesiehtimmie: Ávla lea göökten jaepien båeries jih dan lea stoerre tsagkesh motorikhkine. Díhte jihtseleslaakan akten gærjese vuartesje mij lea buertesne gællan jih tjidtjebe guarkoe Ávla sæjhta såtnoeh edtijäegan lohkedh. Tjidtjebe akten grafihken gærjasymbolese tjuvtjede gaskesadtemegærjesne mearan jeahta: «Síjhth gærjam lohkedh?» Ávla tjidtjebasse vuartesje, mojjehte jih nihkesté.

Eejtegh jih lihke almetjh leah daamtaj joekoen væjkele maanan kråahpegielem guarkedh. Maanan kråahpegielem våålese tjaeledh, goh svihtjeh, mimihke jih tjoejenassh jih ulmiem daejstie, sæjhta nuhteligs árrodh ihke maana maahta dååjredh jeatjah aaj dam guarkoeh, vuesiehtimmien gaavtan maanagiertesne.




Jienebh tjooperdieh maana ij sijhth aelkedh soptsestidh jis vuesiehtimmien gaavtan gietevæhtah nuhtjie. Åtnoe jeatjah gaskesadtemevuekjiste ij sijhth maanam heerredidh soptsesgiellem evtiedidh. Vuestelen sæjhta hijven dâarjone årodh evtiedimmesne jis maanan evtiedimmie soptsesgielste lea ånnetji seassoeh.

Gaskesadtemevierhtieh

Juktie maana edtja jijtje guarkedh jih jeatjebh edtjieg maanam guarkedh, maanah maehtieh daarpesjidh vuesiehtimmien gaavtan dovne væhtah soptsestæmman jih gaskesadtemevierhtie.

Gaskesadtemevierhtie maahta årodh materijelle symbovlle, tjuvtjedimmietaavl, gaskesadtemegærja jallh elektrovneles soptsesmaasjina grafikhken symbovgujimie.



ASK:m nuhtjedh

Maanah mah lierieh soptsestidh, dam lierieh dan ávteste leah mubpiegjumie ektine mah soptsestieh.

Seammalaakan maanah mah edtjieg lieredh ASK:m nuhtjedh, tjuerieh jeatjebh vuejnedh jih govledh mah dam sjöytehke gaskesadtemevuekiem nuhtjieg jih guarkoeh.

Jis datne daajrah dov maanan lea akte diagnovse man ávteste maahta tsagkesh åadtjodh soptsesgieline, mijjieg juvnehtibie aelkedh ASK:m nuhtjedh dan varke gåarede. Aareh barkoe lea vihkele maanan gieleevtiedimmien gaavtan, dovne gosse maana sæjhta ASK:m daarpesjidh abpe jieledem jallh aktem boelhkem gosse sov soptsesgiellem evtede.

Doh jeenjemes eejtegh sån tuhtjeh orre jih ammes gosse edtjieg maanine jeatjahlaakan gaskesadtedh goh soptsesgieline. Goh eejtege sæjhta dovne bïevnesh, raerieh jih bïhkedimmiem daarpesjidh.



Gusnie maahtam viehkiem åadtjodh?

Jis dov maanan gieleetiedimmeste tjooperdh maahtah dan bijre soptsestidh dov voenges healsoestasjovnine. Jis maana maanagiertesne vaadtsa maahtah dov tjooperdimmien bijre dejgumie soptsestidh. Dovne maanagierth jih healsoestasjovnh daajroem maanaj gieleetiedimmien bijre utniesh. Dah maehtieh dutnjeni raeriah jih bikhedimmiem vedtedh jih lea åehpies tjielten Pedagogeles psykologeles dñenesjinie (PPD).

PPD faagealmetjh åtna hijven daajrojne maanaj evtiedimmien bijre, jih maahta digkiedimmieguejmine årrohd dutnjen. PPD dñhte mij edtja vuarjasjidh mejtie maana sjerepedagogeles viehkiem daarpesje. Jis PPD ij daerpies maahtoem utniesh ASK:n bijre, maehtieh habiliteremediennesjem jallh staateles sjerepedagogeles dñarjoesysteemem gaskesadtedh, Statped.



Datne maahtah dam darjodh

Jis dov maana ij leah aalkeme soptsestidh, jih dijjieh dagke salkehtimmie vuertieminie, dellie maahtah jijnjem jijtje darjodh. Daesnie sãemies raeriah dñsse maam maahtah darjodh juktie maanan gieleetiedimmien skreejrehtidh:

Fulkh meatan mejnie maana ååntjestalla. Biejh baakoeh dñsse, jih soptsesth dan bijre mestie maana iedtjem åtna. Soptsesth dan bijre maam darjoeħ maanine jih maanine ektine, vuesiehtimmien gaavhtan gosse datne maanan bissiminie jallh maanan viehkehteminie, jih gosse dijjieh ektesne stååkedeminie.

Mijjieg gaskesadtebe jieniebinie goh gieline. Nuhtjh ååredæjjam, giétide jih tjuvtjedh mearan maanine soptsesth, jih biejh baakoeħ dñsse maam vienħħt maana gaskesadta viehkine ååredæjjeste, kråahpeste jih dagke aaj tjojenassijste. Gosse maana dñājroeh jeatjebħ satnem guarkoe dellie szejħta skraejriem åadtjodh ahkedh vielie gaskesadtedh, jalħts maana tsagħkesh åtna soptsesgieline.

Gærjah leah vihkeles gaaltiże orre baakoeħ l'ieredh. Lohkh maanese jih soptsesth maanine baakoej jih dahkoen bijre. Nuhtjh laavlomħ, rijmh jih reeglah, dah aaj sijhtieh meatan årrohd maanan gieleetiedimmien skreejrehtidh.

Vielie bïevnesh ASK:n bijre

Maahta vielie lohkedh
alternatiïve jïh supplereeden
kommunikasjovnen bijre
Statpeden nedtesæjrojne
www.statped.no/ask

Utnijeorganisasjovne

ISAAC lea gaskenasjonaale
lïhtsegeorganisasjovne mij
barkeminie maanaj jïh geerve
almetjï gaskesadtemenuepieh
bueriedidh mej vijries
gaskesadtemedåeriesmoerh.
ISAAC Nöörje jïjtse
nedtesæjroeh åtna gusnie
bïevnesh, faagetjaalegh,
materijelle jïh svaaltesh kuvsjide
jïh jeatjah sjyöhtehke saernide
ASK:n bijre daesnie
www.isaac.no

